



INFORME SOBRE O PROXECTO DE DECRETO POLO QUE SE MODIFICA O DECRETO 193/2012, DO 27 DE SETEMBRO, POLO QUE SE REGULA O OBSERVATORIO GALEGO DE EDUCACIÓN AMBIENTAL.

Esta Secretaría Xeral Técnica, en cumprimento do disposto no artigo 43.2 da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, emite o seguinte,

INFORME

1. Obxecto

Constitúe o obxecto da presente norma a modificación na composición do Observatorio Galego de Educación Ambiental regulado no Decreto 193/2012, do 27 de setembro, en concreto do artigo 4 relativo a vicepresidencia e vogalías.

Recóllese, ademais, a derogación expresa da Orde do 10 de decembro de 1984 sobre protección do acivro (*Ilex aquifolium*, L.) no territorio da Comunidade Autónoma de Galicia na disposición derogatoria única.

2. Marco normativo e competencial

O artigo 149.1º.23 da Constitución, e o artigo 27.30º do Estatuto de autonomía de Galicia, faculta a nosa comunidade autónoma para establecer normas adicionais sobre protección do medio ambiente e da paisaxe.

De conformidade co Decreto 167/2015, de 13 de novembro, polo que se regula a estrutura orgánica da Consellería de Medio Ambiente e Ordenación do territorio, esta Consellería é o órgano da Administración da Comunidade Autónoma a que lle corresponden as competencias e funcións en materia de ambiente, ordenación do territorio e urbanismo, e conservación da natureza, conforme o establecido no Estatuto de autonomía para Galicia, nos termos sinalados na Constitución española.

No que fai a competencia para a aprobación do proxecto sobre o que versa o presente informe, a mesma correspóndelle ao Consello da Xunta de Galicia, de conformidade co artigo 4.6 da Lei 1/1983, do 22 de febreiro, de normas reguladoras da Xunta e da súa presidencia, de acordo co disposto no artigo 34.5 da antedita Lei 1/1983 e dos artigos 37, 38, 39 e 43 da Lei 16/2010, do 17 de decembro, de organización e funcionamento da Administración Xeral e do sector público autonómico de Galicia, e tendo en conta o disposto no artigo 1 do Decreto 167/2015, do 13 de novembro, polo que se establece a estrutura orgánica da Consellería de Medio Ambiente e Ordenación do Territorio.

3. Estrutura do proxecto normativo

O proxecto de Decreto consta dun único artigo, que modifica o artigo 4 do Decreto 193/2012, do 27 de setembro, unha disposición adicional, unha disposición derogatoria e dúas disposicións derradeiras. A súa estrutura é a seguinte:



Artigo único. *Modificación do Decreto 193/2012, do 27 de setembro, polo que se regula o Observatorio Galego de Educación Ambiental.*

Disposición adicional única. *Obxectivo de igualdade.*

Disposición derogatoria única. *Derogación normativa.*

Disposición derradeira primeira. *Habilitación para o desenvolvemento normativo.*

Disposición derradeira segunda. *Entrada en vigor.*

4. Tramitación

O proxecto de Decreto tramítase de conformidade co disposto nos artigos 40 a 44 da Lei 16/2010, do 17 de decembro. No expediente conséntase que de acordo co disposto do artigo 41.2 da Lei 16/2010, do 17 de decembro, o anteproxecto de decreto acompáñase dos seguintes documentos, correspondentes a fase inicial da tramitación:

- Unha memoria xustificativa sobre a súa legalidade, acerto e oportunidade.
- Unha memoria económica-financieira con estimacións dos costes que poida xerar e o seu financiamento.
- Un informe da subdirección xeral de Réxime Xurídico, de Coordinación Administrativa e da Planificación.
- Unha táboa de vixencias.

De conformidade co artigo 41.3 da Lei 16/2010, do 17 de decembro, a aprobación inicial do anteproxecto como proxecto pola persoa titular da Consellería de Medio Ambiente e Ordenación do Territorio tivo lugar en data 17 de xullo de 2017.

En cumprimento do artigo 41.4 da Lei 16/2010, do 17 de decembro, o artigo 9 da Lei 1/2016, do 18 de xaneiro, de transparencia e bo goberno e dos artigos 16 e 18 da Lei 27/2006, do 18 de xullo, polo que se regulan os dereitos de acceso á información, de participación pública e de acceso á xustiza en materia de medio ambiente, publicouse no Portal de transparencia e Goberno aberto, constando certificado de publicación no dito portal de data 7 de setembro de 2017.

Na fase intermedia da tramitación, foi sometido aos seguintes trámites:

- *Trámite de audiencia:* O proxecto foi remitido para alegacións a todas as Secretarías Xerais Técnicas das Consellerías da Administración xeral da Comunidade Autónoma de Galicia, así como a asociacións e entidades que puideran resultar interesadas. Tamén se recibiron alegacións a través do Portal de transparencia e Goberno aberto. Consta no expediente a xustificación do tratamento das alegacións recibidas, asinada pola directora xeral de Patrimonio Natural en data 18 de outubro de 2017.
- *Informes e ditames:* Durante a tramitación pronunciáronse sobre o proxecto os seguintes órganos:
 - Informe de sustentabilidade financeira da Dirección Xeral de Planificación e Orzamentos da Consellería de Facenda de data 18 de decembro de 2017.
 - Dirección Xeral da Función Pública, mediante oficio de data 21 de decembro de 2017.
 - Dirección Xeral de Avaliación e Reforma Administrativa, mediante oficio de data 24 de novembro de 2017.



- Informe de impacto de xénero da Secretaría Xeral de Igualdade de data 20 de novembro de 2017
- Informe complementario do proxecto de decreto da Dirección Xeral de Patrimonio Natural de data 29 de decembro de 2017

Na fase final da tramitación, o expediente remítese ao preceptivo informe da Asesoría Xurídica da Xunta de Galicia, emitíndose o informe en data 11 de xaneiro de 2018.

En cumprimento do disposto no artigo 43.3 da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, o proxecto someterase a aprobación da persoa titular da Consellería de Medio Ambiente e Ordenación do Territorio.

De conformidade co exposto, esta Secretaría Xeral Técnica informa favorablemente o proxecto de Decreto polo que se modifica o Decreto 193/2012, do 27 de setembro, polo que se regula o Observatorio Galego de Educación Ambiental.

Santiago de Compostela, 12 de xaneiro de 2018

A secretaria xeral técnica

Maria Jesús Lorenzana Somoza

